



# Atualizason di Planu di Reduzon di Perigus Natural di Sidadi di Boston (NHMP)

## KAL PERIGUS KI BOSTON STÁ TA ENFRENTA?

Komu un Sidadi kosteru y populozu di Nova Inglaterra (New England), Boston stá vulneravel pa:



inundason



Klima di invernú friu



Aumentu di nível di mar



Kalor y ilhas di kalor urbanu



y mutu mas ainda

## KUZÊ KI BU STÁ TA FAZI SOBRI KEL LI?

Gabineti di Jeston di Imerjências (OEM) di Sidadi di Boston stá ta atualiza es Planu di Reduson di Perigus Natural di 2014 pa rejista progresu y identifika novus projetus pa reduzi es perigus. OEM tanbe ta manti kordenason ku sforsus relasionadu, sima Boston East Boston & Charlestown Prontu pa Klima (Climate Ready Boston East Boston & Charlestown) y Planu di Rezisténsia pa Kalor di Boston (Boston Heat Resilience Plan).

## KOMU KI REDUSON DI PERIGUS TA PODI DJUDA NHA KOMUNIDADI?


Perigus naural y mudansa klimatiku ta podi aumenta nôs stress di dia pa dia. Reduson di perigus ta luta pa reduzi nôs dezafius diariu y ta identifika projetus ki ta:



Midjora asesu pa produtus esensiais




Konstrui rezisténsia di bu tranzitu




Proteji nôs rekursus natural y spasmus abertu na undi nu ta relaxa, brinka y divirti, y fazi ezersisius



Asegura ma kes servisus esensial stá disponivel



Reduzi kustus de servisus di primera nesetidadi y di seguru



Proteji bu kaza, skóla, y lokal di trabadju di inudason



Proteji nôs valorozus rezidentis

## DEFINISON



**REZISTÉNSIA** é kapasidadi di un sistema di prepara pa situason stremu y, idealmenti, “salta pa frenti” dipos di efeitus pa fika mas verdi, mas saudavel y mas ekilibradu.



**KES PERIGUS NATURAL** ta podi inklui inundason, situason stremu di ventu, klima di invernú friu, teramotu, insêndiu, temperaturas stremu, sékas y mutu mas.



**REDUSON DI PERIGUS** é sforsu pa reduzi kes efeitus di dezastris natural via planeamentu, politika, edukason, projetus di infrastrutura y mutu mas.



**UN PLANU DI REDUSON DI PERIGUS NATURAL (NHMP)** é un stratéjia pa reduzi perigus y vulnerabilidadi ligadu ku perigus natural, pa proteji kazas, enprezas y infrastrukturas esensial ki ta manti nôs sidadi ta funciona.

## KA FIKA PARADU!

Bus spériencias ku situason di perigu natural anterioris é esensial pa konprende vulnerabilidadi na bairus di Boston. Pa konsigi mas informason sobri planiamentu di reduzon di perigus natural y oportunidadi di partisipason:



Konsulta [tinyurl.com/BostonNHMP](http://tinyurl.com/BostonNHMP) pa kes informason mas resenti na planiamentu di reduzon di perigus natural



Djudá-nu ta pasa mensajen y ta sigi-nu na redis sosial **#ResilientBoston** y **#BostonNHMP**